


Bibel fa Kjinja brinjt junt



De Aunfank von de Jemeent




Jeschräwen von: Edward Hughes
Jemolt von: Janie Forest
Toom Pauss jestalt von: Ruth Klassen
Alastair Paterson
Äwasat von: Ed Zacharias
Hääjestalt von: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.

Aus Jesus jestorwen wia, enjsten un
vestuaken sikj de Jinja. Aus hee dan vom
Doot oppstunt, weess hee sikj to an. Jesus
läft, oba hee wist hee wudd boolt wada nom
Himmel gonen, un met Gott däm himlischen
Voda sennen, soo aus ea.



Ea Jesus nom Himmel fua, vespraak hee de Jinja daut hee an dän Heiljen Jeist jäwen wudd. Dee wudd an halpen un treesten (Johanes 15,26). Nu wia daut bat doa! Een poa Doag nodäm daut Jesus veleet, jeef Gott dän Heiljen Jeist.


3

Dit es woo daut wort. Soo bie 120 von Jesus siene Jinja wieren toop un bäden. Met eenmol hieeden see een ruzhendet Jelud, daut en daut gaunse Hus to hieren wia.



4

See sagen Tungen aus von Fia opp eenaunda, un see wieren met däm Heiljen Jeist jefelt - krakjt soo aus Jesus vesproaken haud.




5

Buten verem Hus räden Jesus siene Jinja en Sproaken dee see nienich jeliheet hauden. Jast von framde Lenda, waut no Jerusalem jekomen wieren, hieeden de Jinja en ääre Sproaken räden, von de Wunda dee Gott jedonen haud. An staund daut, un see fruagen, "Waut bediet dit?" Aundre veachten daut un säden dee hauden too väl Wien jedrunken.



6

Oba Petrus säd, "Dee sent nich bedrunken. Dit es waut de Profeet Joel ons vespraak." Petrus lieed an daut Gott lang trigj jesajcht haud daut de Heilja Jeist komen wudd, un de Lied halpen un säajnen wudd.




7

Petrus säd, "Kjiet om un lot junt aula en Jesus Christus sienen Nomen deepen, daut junt de Sinden vejäft woaren. Dan woat Gott junt dän Heiljen Jeist schenkjen." Bie 3000 Menschen leeten sikj dän Dach deepen, un blewen bie de Apostel ääre Lia un Jemeenschoft. De Har brocht aule Dach soone enne Jemeent nenn, dee doa seelich worden.



8

De Heilja Jeist weess sikj met siene Krauft en dee waut jleewden. Een Dach jinjen Petrus un Johanes soo aus jweenlich nom Tempel toom bäden. Bie daut Puat vom Tempel saut een loma Pracha, un dee fruach an no Jelt.




9

Petrus säd to am, "Selwa un Golt hab ekj nich, oba waut ekj hab, jäw ekj die: En Jesus Christus von Nazaret sien Nomen, sto opp un go." Petrus neem am bie de rajchte Haunt un holp am opp. Soo sprunk hee opp, kunn gonon un stonen un jinkj met an toop em Tempel nenn, jinkj un sprunk un lowd Gott.



10

Doa kjeemen väle Menschen toop, un wundaden sikj to daut Wunda. Petrus säd, Gott, un nich hee, haud däm lomen Maun jeheelt. Aus Petrus de Juden säd daut Gott Jesus vom Doot oppjehowen haud, worden de Tempel Leida am doll, un see neemen Petrus un Johanes faust. Doch bie 5000 Menschen jleewden aun Jesus.



11

Dän näakjsten Dach musten Petrus un Johanes ver de Tempel Leidasch komen. "Derch waut fa eene Krauft, ooda en waut fa eenen Nomen doo jie dit?" wort an jefroacht. Voll vom Heiljen Jeist, säd Petrus, "Derch Jesus Christus von Nazaret sienen Nomen, dän jie kjriezichten, un dän Gott vom Doot oppwuak steit dis Maun hia ver junt jesunt!"



12

"Ons Menschen es unja däm Himmel sest kjeen Nomen jejäft, derch dän wie kjennen seelich woaren." Dan dreiwden de Leidasch Petrus un Johanes, daut see von nu aun to kjeenem von disen Nomen räden sullen. De Leidasch wullen daut nich haben daut Lied aun Jesus jleewden.



13

To eene Tiet haud Petrus sikj jewäat Jesus to unjastetten. Oba daut wia ea de Heilja Jeist jekomen wia. Nu kunn am kjeena doawäajen enjsten.




14



Petrus un Johannes säden, "Recht fa junt selfst, auf daut en Gott siene Uagen rajcht es, daut wie mea no junt horchen aus no Gott. Wiels wie kjennen nich aundasch, aus doavon räden, waut wie jehieet un jeseenen haben."

15



Aus see Petrus un Johannes noch wieda jedreift hauden, leeten see an gonen. See jinjen un vetalden äare Frind woo an daut ver de Leidasch jegonen haud. Aus see daut hieeden, fungen see aula tojlikj aun to bäden un Gott to lowen. Gott sien Heilja Jeist jeef de Lied Krauft, un de ieeschte Jemeent woss un woss.

16

De Aunfank von de Jemeent


Eene Jeschicht von en daut Wuat Gottes,
de Bibel

finjt eena en

Aposteljeschicht 1 - 4

"Wan dien Wuat openboat woat,
jeft daut Licht." Psalm 119:130

17



55



60

18

Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaecht jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19